

GRANTET PËR ANËTARËSIM NË RRJETE RAJONALE/NDËRKOMBËTARE UDHËZUES PËR APLIKIM

Fondacioni Kosovar për Shoqëri Civile (KCSF), me qëllim të fuqizimit të rolit të shoqërisë civile në zhvillimin e demokracisë, ofron përkrahje financiare për anëtarësim të OJQ-ve në rrjetet rajonale dhe ndërkombëtare, për të nxitur veprimet e përbashkëta me partnerët rajonalë e ndërkombëtarë.

KUSH MUND TË APLIKOJË?

Organizatat joqeveritare vendore, përveç kategorive të përjashtuara si më poshtë:

- Përkundër statusit të tyre juridik, klubet sportive, federatat sportive, shoqatat kulturore amatore ose organizatat fetare, që janë të regjistruara si OJQ, nuk janë synim i granteve të KCSF-së.
- Ngjashëm, OJQ-të që përfaqësojnë biznese ose subjekte të ngjashme për të cilat është e qartë që kanë aftësi financiare për të mbuluar shpenzimet e organizatës së tyre ose për të përkrahur aktivitetet e tyre, nuk janë synim i granteve të KCSF-së.
- Degët e OJQ-ve të huaja dhe ndërkombëtare të regjistruara në Kosovë nuk kanë të drejtë të aplikojnë.

KRITERET PËR APLIKIM

Të gjitha aplikimet do të shqyrtohen individualisht dhe do të vlerësohen nga Komisioni Vlerësues bazuar në këto kritere:

- Përfitimet që do të ketë organizata nga ky anëtarësim;
- Përputhshmëria e misionit dhe fushëveprimtarisë së organizatës aplikuese me misionin dhe fushëveprimtarinë e rrjetit në të cilin kërkohet anëtarësimi.
- Të mos jenë të udhëhequra ose të menaxhuara nga Persona të ekspozuar politikisht (PEP).¹
- Në mes aplikacionesh që plotësojnë njëjtë kriteret e mësipërme, përparësi do të kenë organizatat:
 - Të cilat nuk mund të mbulojnë pagesën e anëtarësisë nga ndonjë burim tjetër;
 - Organizatat që nuk kanë pasur me herët grant për rrjetëzim.

ÇKA FINANCOHET?

Pagesa e anëtarësisë në rrjetet rajonale/ndërkombëtare (membership fee).

Shpenzimet e transferit bankar.

NUMRI I APLIKIMEVE DHE GRANTEVE PËR APLIKANTË

¹ Për më shumë rreth kufizimeve në lidhje me personat e ekspozuar politikisht (PEP), shih formularin e aplikimit. Të gjitha organizatat aplikuese janë të detyruara të deklarojnë se asnjë person në pozicionet drejtuese, sipas listës dhe përcaktimit të Personave të ekspozuar politikisht, të paraqitura në formularin e aplikimit, nuk bien nën këtë kategori.

Përkrahur nga:

Aplikantët mund të jenë përfitues të grantit për rrjetëzim një herë brenda vitit.

KOHËZGJATJA

Granti mund të mbulojë shpenzimet për anëtarësim vetëm nga momenti i përkrahjes e tutje. Në këtë kuptim, nga këto grante nuk do të mbulohen anëtarësimet paraprake, përfshirë këtu shërbimet e pranuar në periudhat/muajt e vitit para pranimit të grantit.

PËRJASHTIMET

- Në kuptimin e këtyre granteve, anëtarësimi në rrjete nënkupton vetëm pagesat e anëtarësimit për organizatat joqeveritare dhe përjashtohen anëtarësimet në rrjetet/platformat profesionale ku anëtarësimi dhe pagesa bëhet për individë, pavarësisht që ata individë janë përfaqësues të organizatave që aplikojnë, në fushat të cilat mbulon organizata. Ndonëse në raste të tilla përfitimi është edhe i organizatës, ai mund të mbetet dytësor në raport me përfitimet profesionale individuale dhe del nga kuptimi i këtyre granteve për rrjetëzim.
- Nuk bëhet pagesa e anëtarësimeve për vitet paraprake.
- Nuk bëhet rimbursim i anëtarësive të paguara para informimit për vendimin pozitiv për aplikacionin.
- Këtu hyjnë edhe organizatat që kanë qenë përfitues të këtyre granteve dhe gjatë aplikimit për grant të ri nuk arrijnë të dëshmojnë pjesëmarrje në aktivitete, bashkëpunime ose dëshmi të përfitimeve që ka pasur organizata nga grantit për rrjetëzim.
- Nuk bëhet pagesa e faturave të lëshuara që nuk janë në emër të organizatave aplikuese.
- Grantistët institucional të mbështetur nga EJA Kosovë nuk mund të aplikojnë për përkrahje nga kjo thirrje.

PËRKRAHJA

Shuma maksimale e përkrahjes është 800 euro për anëtarësi (duke mos i përfshirë shpenzimet e transferit bankar).

DOKUMENTET PËR APLIKIM

Aplikuesit duhet të dorëzojnë dokumentet në vijim:

- Formularin e aplikimit;
- Një kopje të certifikatës së regjistrimit të OJQ-së të lëshuar nga Departamenti për OJQ;
- Në rastet kur aplikohet për vazhdim të anëtarësisë ekzistuese, çfarëdo dokumenti që dëshmon anëtarësinë (pagesëtë anëtarësisë paraprake, faturë, email, listë zyrtare të anëtarëve, weblink etj);
- Në rastet kur aplikohet për anëtarësi të re, çfarëdo dokumenti që dëshmon gatishmërinë e rrjetit për pranim të organizatës, (faturë, email, zotim, etj).

Përkrahur nga:

- Në rast që organizata ka qenë përfituese e grantit për rrjetëzim, dëshmi të përfitimeve që ka pasur organizata e që mund të jenë foto ose komunikime që dëshmojnë pjesëmarrje në takime/diskutime në kuadër të rrjetit, dhe të ngjajshme.
- Në rast që shuma e anëtarësimit në rrjet kalon shumë më maksimale të lejuar në këtë thirrje, dëshmi të bashkëfinancimit nga burim/e të tjera (p.sh. email, letër të zotimit, kontratë, etj).

KU DHE SI TË DORËZOHEN APLIKACIONET?

Aplikacionet duhet të dorëzohen në formë elektronike.

Aplikacioni i kompletuar duhet të dërgohet në formë elektronike në e-mailin kcsfsida@kcsfoundation.org me titull të e-mailit “Aplikacion për grant për rrjetëzim - Emri i plotë i aplikantit”.

Në e-mail duhet të jenë të bashkëngjitura të gjitha dokumentet për aplikim.

Aplikacionet e pakompletuara nuk do të vlerësohen.

AFATI PËR APLIKIM

Aplikimi për grante për rrjetëzim do të jetë i hapur gjatë gjithë kohës, deri në shpenzim të fondeve.

Aplikuesit do të njoftohen rreth vendimit të Komisionit Vlerësues më së voni 30 ditë nga data e aplikimit.

Të gjitha pyetjet lidhur me aplikimin për grante nga kjo skemë mund të dërgohen në e-mailin kcsfsida@kcsfoundation.org.

NËNSHKRIMI I KONTRATËS

Në rastet e përkrahjes së aplikacionit, pas pranimit të përgjigjes pozitive, nga organizata aplikuese do të kërkohet që të dërgohen informatat e nevojshme për kontraktim, ku hyjnë të dhënat e përfaqësuesit ligjor të organizatës dhe numri i llogarisë bankare të organizatës. Shuma e grantit transferohet te organizata pas nënshkrimit të kontratës.

PËRMBYLLJA E GRANTIT

- Pas nënshkrimit të kontratës dhe pranimit të shumës së grantit, organizata përfituese duhet të dorëzojë dëshminë e transferit të shumës te rrjeti i cili synon të anëtarësohet.
- Në rastet kur ka mbetje nga shuma e grantit dhe shuma e transferuar te rrjeti më shumë se 10 EUR, ajo mbetje duhet të kthehet te KCSF.

Versioni aktual publikuar më: 24 tetor 2022

Përkrahur nga: